



N In Fürschneider sol ein schöner/wacker/gerader/frölicher junger Mann seyn/in Kleydung sol er sich stattlich/musterlich/zierlich vnd herrlich tragen. So bald die Speiß außgetragen/vnd der Herr zur Tafel gesessen/vnnd der Marschalck die andern Herrn anch hinzu geführet/So sol auch der Fürschneider mit seinen zerleg Messern/Löffel/Gäblin/weissen saubern Servietten/vnd andern zum Fürschneiden gehörigen nottußten/sich mit sein höflicher/gebührlicher vnd gewöhnlicher Reuerenz/herben finden. Er sol die Speisen erstlich mit einem bissen Brodts/an seinem Messer spieß steckendt/alle nacheinander sein sitsam vberfahren/berühren vnnd Credenzen/vnnd darnach seinem Herrn/auch nachfolgents allen andern beysitzenden Herrn/sein ordentlich nacheinander/von demselbigen/nach begeren/gebürlich vnd zierlich/Fürschneiden vnnd Fürlegen. Solche zier vnd ordnung im Credenzen/Fürschneiden vnnd Fürlegen/sol er von anfang/bis zu abdeckung der Tafel/durch vnd durch sein höflich/mit sonderer behendigkeit/stattlich/zierlich vnd gebürlich/zu oben vnd halten wissen. Wenn der Herr abgessen/vnd die Speisen/Frucht vnd Confect abgehaben/so sol der Fürschneider für seines Herrn ort/mit einem breiten darzu gehörigen Messer/die Brösamlein sein sauber vnd rein außheben/Darauff der Mundtschenck/oder ein ander

b uss darg zu